

Այսօրիկ ոչ զոր 'ի մերոցս կարծեմ՝ հակառակել. նա մանաւանդ խիթամ, թէ փաստս եւս որ 'ի վերայ իւրոցն տենչից եւ յիմոց բանիցս առեալ, յանդիմանել զիս նկրտիցի, ասելով. թէ զի այդպէս է՝ ընդէր ոչ ուրեմն եւ եւս երկարագոյն եւ մանրա մասն աւանդեցեր մեզ զտեղադիր ցանկալի հայրենեացս, որում փափագեալ մնայաք : — Յուշ այդպիսումն սիրաբանի առնեմ զառ 'ի սկզբանն օրինակաւ ասացեալս, եթէ յերկար եւ յերկրապարփակ ուղեւորութենէ դարձ առնեմք. իբրեւ մասն ընդ բոլորի կամեցեալ պատշաճեցուցանել եւ զայս գործ ընդ քաղաքական աշխարհադրութեանս, եւ ոչ թէ որպէս 'ի միայնակ 'ի մերում երկրիս յածելով ընդ հանուր կոյս, ամենայն նորայոցն ցանկալեաց եւ պիտանեաց կամիցիմ՝ հանդէս առնել աստանօր . զի թէ այնպիսի ինչ կամէաք առնել առ 'ի զնորա եւ զմեր իղձս ընուլ, յոլովագոյն եւս ժամանակաց պէտք լինէին մեզ. եւ թէպէտ կարող էաք զաշխարհաց ոմանց եւ զգաւառաց ընծայել նկարագիրս ձիգս եւ բազմավէպս, օժանդակութեամբ նախնեացն մերոց յիւ շատակարանաց եւ նորոց տեղագրաց եւ ուղեւորաց մասնաւոր գաւառաց, եւ լուսաւորել զնոսին՝ նոցա եւ մեր ջանիւք, սակայն մնացելոցն մթութիւն թխագոյն եւս թուեր թամբարանաւ. յաղագս այսօրիկ ոչ թուեցաւ մեզ պատշաճ եւ վայելուչ՝ զմիոյ մասնէ երկայնս աւանդել, եւ զայլոց կարճ՝ 'ի կարճոյ կամ թէ զանխուլ անցանել, մինչչեւ քննեալ մի առ մի զամենայն . ապա եւ օրէն համարեցաք յայսքան եւ յայս ձեւ չափաւորել այժմ զՏեղագիրս :

Սակայն մի եւ զայս որ թեթեւ եւ վարկպարագի համարիցի աշխատութիւն . քան զի եւ 'ի համառօտութեան իւրում ունի սա՝ որպէս յուսամք, տալ ծայրալիր ծանօթութիւն նոր զընդհանուր կողմանց հայաստան աշխարհի, զբնական եւ զքաղաքական, որքան ոչ է ուրեք ցարդ ամփոփեալ՝ յետ երկասիրութեան բազմերախտ հօրս մերոյ Լնճիճեան վարդապետի, որոյ պատուական մատեանն՝ Սոր հայաստան, կիսադարեան հնութեամբն չունի արդ զնորագունիցս ընուլ փափագ . են են եւ այլոց յետ նորա մանրապատում նկարագիրք նա եւ մատեանք ողջոյն, այլ զգաւառաց եւ զտեղեաց ոմանց, եւ ոչ ընդհանուր, որպիսիք են Տեառն Յովհաննու Շահխաթունեան վարդապետի Ստորագրութիւն Լճիճեանց եւ հնգեցուն գաւառաց Լճարատայ, (տպագրեալ 'ի Ս. Լճիճեան յամին 1842). եւ Տեառն Սարգսի Սալախեան վարդապետի Ուղեւորութիւն 'ի հայս սահմանակիցս Արաց եւ Արուանից, (տպագրեալ 'ի Տիխիս յամին 1842), եւ այլոց ոմանց՝ հրատարակեալք յազգային լրագիրս, կամ զոր մեք յիշեցաք 'ի յառաջաբանի Քաղաքական աշխարհադրութեանս : Ըրդ զայդ ամենայն յակն արկեալ մեր, եւ 'ի վերայ այնոցիկ 'ի ձեռին ունելով զպատուականագոյնն եւ զչեւ եւս հրատարակեալ վաստակ մերոյս արգոյ եւ հոգեկից եղբօր հ. Աերսիսի վարդապետի Սարգսեան, բազմամեայ ուղեւորի 'ի մասն Փոքուն եւ Սեծաց հայոց, եւ հաւատարմագոյն ընդօրինակողի հայ արձանաց տեղեացն յորս շրջեցաւ, այլ եւ յօտարագրի ճանապարհադրաց ընթերցեալ առաւել քան զյիսնից տեղագրութիւնս կողմանց կողմանց հայաստան աշխարհիս, եւ բաղդատեալ ընդ իրար եւ ընդ նախնեաց մերոց աւանդս՝ յերկրեցաք զայս Տեղագիր : Ունէաք առաջի եւ զաշխարհացոյց տախտակս ոմանս ընտիրս, զՆնդղիացուց ուղեւորաց, եւ զՌուսաց՝ զիւրեանց բաժնին, եւ զգեղեցիկ քառեակ տախտակսն Քոխայ գերմանացուց ուղեւորելոյ 'ի հայս եւ 'ի Վոլկաս (յամն 1836-44, K. Koch, ճարտարեալ 'ի Պեռլին յամին 1850), եւ զընտրելագոյնն բնաւից եւ զնորագոյն զՎայմերայ (Dietrich Reimer, անդ 'ի Պեռլին 'ի 1854), որք ճշգրտոյն եւս քան զվաղ հրատարակեալն առ 'ի մէնջ եւ զյարեալն 'ի սոնա զփոքր աշխարհացոյցս հայաստանի՝ ցուցանեն զսահմանս վիճակաց եւ զբարձրութիւնս վայրաց, առաւելեալք եւ ընդարձակութեամբ իւրեանց :